

Javna ustanova za predškolsko obrazovanje i vaspitanje

Umihana Čuvidina Breza

Šehidska 14

71 370 Breza

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), člana 29. stav 1. Uredbe sa zakonskom snagom o ustanovama (Službeni list RBiH“, broj: 06/92, 08/93 i 13/94) , člana 40. Zakona o predškolskom odgoju i obrazovanju ZDK („Službene novine ZDK“, broj: 7/10), Uredbe o postupku prijema u radni odnos u javnom sektoru u Zeničko-dobojskom kantonu („Službene novine ZDK“, broj: 2/24 od 02.02.2024. godine), Pravila JU za predškolsko obrazovanje i vaspitanje „Umihana Čuvidina“ Breza i odluke Upravnog odbora broj: 168/25 od 02.07.2025. godine o raspisivanju Javnog oglasa za izbor i imenovanje direktora, Upravni odbor JU za predškolsko obrazovanje i vaspitanje “Umihana Čuvidina“ Breza objavljuje:

JAVNI OGLAS

za izbor i imenovanje direktora JU za predškolsko obrazovanje i vaspitanje „Umihana Čuvidina“ Breza

- (1) Raspisuje se Javni oglas za izbor i imenovanje direktora JU za predškolsko obrazovanje i vaspitanje „Umihana Čuvidina“ Breza .

Imenovanje se vrši na mandatni period od 4 (četiri) godine, sa mogućnošću ponovnog imenovanja, s tim da isto lice ne može biti imenovano na više od dva mandata u istoj ustanovi, računajući na tekući mandat.

(2) Opis pozicije direktora

Direktor predškolske ustanove, pored poslova i zadataka utvrđenih Zakonom obavlja i sljedeće poslove:

- predlaže program odgojno-obrazovnog rada i aktivnosti za unapređenje tog rada u okviru godišnjeg programa rada i poduzima odgovarajuće mjere za njihovo provođenje,
- vrši izbor i postavljanje svih ostalih zaposlenika i s njima zaključuje ugovor o radu, odnosno donosi odluku o prestanku ugovora o radu,
- odlučuje o raspoređivanju zaposlenika Ustanove na određene poslove i zadatke,
- prati i usmjerava rad odgajatelja i drugih zaposlenika Ustanove,
- Izvještaj o radu Ustanove i rezultatima odgojno-obrazovnog rada podnosi: Upravnom odboru, Osnivaču i Pedagoškom zavodu koji vrši stručni nadzor,
- vrši i druge poslove predviđene pravilima Ustanove

Uslovi za poziciju

Kandidat za poziciju direktora u Javnoj ustanovi za predškolsko obrazovanje i vaspitanje „Umihana Čuvidina“ Breza mora ispunjavati opće i posebne uslove.

Opći uslovi su:

- a) Da je državljanin BiH
- b) Da je stariji od 18 godina
- c) Da je zdravstveno sposoban
- d) Da nije osuđivan za krivično djelo i za privredni pristup nespojiv s dužnošću u instituciji u koju se kandiduje pet godina od pravosnažnosti presude, isključujući vrijeme zatvorske kazne
- e) Da nije lice kojem je pravosnažnom presudom suda zabranjeno obavljanje aktivnosti u nadležnoj instituciji u kojoj se kandiduje,
- f) Da nije otpušten iz državne službe kao rezultat disciplinske mjere na bilo kojoj razini vlasti u BiH u periodu od tri godine od dana prijavljivanja na Javni oglas,

- g) Da nije pod optužnicom Međunarodnog suda za ratne zločine u bivšoj Jugoslaviji (člana IX. 1. Ustava Bosne i Hercegovine)
- h) Da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji BiH („Službene novine Federacije BiH“, broj: 70/80)
- i) Da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 34/03) i
- j) Da nema privatni / finansijski interes u ustanovi u kojoj se kandiduje.

Posebni uslovi:

- a) Da ima visoku stručnu spremu, odnosno završen najmanje prvi studijski ciklus u području predškolskog odgoja, pedagogije, socijalne pedagogije ili psihologije, a izuzetno za direktora predškolske ustanove može biti imenovan i nastavnik predškolskog odgoja i obrazovanja,
- b) Da ima najmanje pet godina rada na poslovima odgoja i obrazovanja,
- c) Da se naročito ističe svojim radom u organizaciji odgojno-obrazovne djelatnosti u teoriji i praksi
- d) Da ima položen stručni ispit
- e) Da ima sposobnost nepristrasnog donošenja odluka, sposobnost tumačenja ekonomskih i pravnih analiza,
- f) Da priloži Program rada Ustanove za mandatni period

Pripadajuća osnovna neto plaća iznosi dvije prosječne plate u Zeničko-obojskom kantonu.

Literatura koja će se koristiti za pismeni i usmeni ispit je:

- 1. Psihologija odgoja i obrazovanja (Dr. Muhamed Šestanović)
- 2. Razvojna psihologija predškolskog djeteta (Mr. Milka Babić)
- 3. Zakon o predškolskom odgoju i obrazovanju – ZDK („Službene novine ZDK“, godina XV broj 7)

Potrebni dokumenti:

Kandidat koji se prijavljuje na poziciju direktora dužan je priložiti sljedeću dokumentaciju (original ili ovjerene kopije ne starije od 6 mjeseci):

- 1. Prijava na oglas
- 2. Kraća biografija
- 3. Diploma o završenom obrazovanju
- 4. Uvjerjenje o državljanstvu
- 5. Dokaz o traženom radnom stažu
- 6. Dokaz o položenom stručnom ispitu za samostalan odgojno- obrazovni rad,
- 7. Program rada Ustanove za mandatni period
- 8. Ovjerenu izjavu kojom se dokazuju opći uvjet (nabrojani u tačkama d,e,f,g,h,i,j)

Napomene :

Izabrani kandidat će biti u obavezi u određenom roku dostaviti:

- Ljekarsko uvjerenje kao dokaz da njegovo zdravstveno stanje i psihičke sposobnosti odgovaraju uslovima radnog mjesta,
- Uvjerjenje o nekažnjavanju ili uvjerenje da fizičko lice nije osuđivano za krivično djelo ili privredni prijestup (izdaje MUP) i
- Uvjerjenje o nevođenju krivičnog postupka (izdaje SUD)

Javni oglas ostaje otvoren 8 (osam) dana od dana objave.

Prijave s propisanom dokumentacijom kandidati dostavljaju lično ili putem pošte na adresu:

Javna ustanova za predškolsko obrazovanje i vaspitanje „Umihana Čuvidina,, Breza

Šehidska 14

71 370 Breza

S naznakom:

„Prijava na Javni oglas za izbor i imenovanje direktora Javne ustanove za predškolsko obrazovanje i vaspitanje „Umihana Čuvidina“ Breza – Stručnoj komisiji – NE OTVARATI“

Nepotpune i neblagovremene prijave neće se razmatrati.

Kandidati koji blagovremeno dostave svu dokumentaciju i koji budu ispunjavali sve opće i posebne uslove iz javnog oglasa, o polaganju pismenog i usmenog ispita bit će blagovremeno obaviješteni. Javni oglas će biti objavljen u dnevnom listu, na oglasnoj ploči Ustanove i web stranici Osnivača, te dostavljen JU „Služba za zapošljavanje,, ZDK.

U Brezi, dana 30.07.2025. godine

Broj: 192/25

Predsjednik Upravnog odbora

Selma Mlivić